

頤道堂詩外集

頤道堂詩外集卷九

錢塘 陳文述 退庵

古今體詩

香奩四

古會晤詞

似水相思積歲年  
絳河真有鵲橋填  
今宵翠帳雲同夢  
昨夜紅樓月正圓  
法曲祇應歌得寶  
艷情定復勝遊仙  
銀燈初爇香初爇  
說着當時倍惘然

夜燈隱隱出蘭堂  
初日明明照杏梁  
乍見便應憐宋玉  
再來原許嫁王昌  
同心暗結盤龍鏡  
側帽容看墮馬粧  
懷袖三年香不滅  
翠痕畱得舊花黃

鈿牀塵掩碧紗幬  
蘿屋天寒翠袖孤  
偶向詩中貽芍藥  
何

曾山上采薜蘿纏綿春女悲紅豆憔悴秋娘怨綠珠我亦  
經年苦相憶思歸不是爲純鱸

百折千迴竟合并元霜搗盡見雲英莫言今夕爲何夕未  
必他生勝此生紫脈屏前思一顧紅粧枕畔說三生懷中  
珍重連環在辛苦當年賦定情

續古會晤詞

流蘇低掩紫鴛鴦親啟紅樓作洞房明鏡乍移吳苑月金  
燈初照魏宮粧同心結綰雲衣薄得寶歌成水瑟涼畢竟  
連環羨佳約芳名祇合喚環娘

紫釵斜影上屏風話到燈殘炷玉蟲辛苦釀花纔有味纏  
絲作繭本同功今宵翠帳清無夢昨夜蘭舟靜有風一曲

雲璈人一世舊遊回首月明中

願作鴛鴦不羨仙可憐此願已三年依然秋水珠生彩幸  
未春山玉化煙非我誰堪花絕代有人曾說笑姻緣他時  
畫舫畱佳話定有新詩萬口傳

去年珍重種瓊枝也是星河早雁時桃葉未甘呼小妹鷗  
波當日有微詞畫樓倚翠分攜手玉鏡傳紅對畫眉太息  
風花何日減維摩結習是相思

古決絕詞

避他含淚強登車赤水生分比目魚花貌淒涼空入畫雲  
鬢憔悴不會梳三年宋玉纏綿約一紙元稹決絕書聚鐵  
可憐都鑄錯早知今日悔當初

杏花春雨夢闌珊  
桃葉煙波打槳還  
但覺情緣淡綺障  
豈知憔悴損朱顏  
當年寄簡煩青鳥  
今日開籠放白鷗  
天濶雲高任飛去  
不須辛苦說銜環

麝旂拋散合歡牀  
燕戶泥深玳瑁梁  
華燭淚殘曾照影  
璚窻人去尙畱香  
魚沉信杳秋江冷  
鳳去臺空夜月涼  
畢竟一齊呼負負  
烏啼夢醒各思量

連環敲斷玉成塵  
惆悵連波悔過情  
龍性難馴卿誤我  
蘭心甘毀我憐卿  
浮雲南北迷離影  
溝水東西嗚咽聲  
若是辭家長入道  
青天碧海更三生

山塘同素雲小娟晚泛

冶坊西去是花橋  
垂柳絲絲結畫橈  
來與美人同打槳  
晚

涼如水一枝簫

隔船風起送菱歌涼意分明透越羅別有閒情誰解領明霞無際水微波

知是湘娥與雒神更無畫屐步香塵誰知梅靜香蘭修小外更有花明玉艷人

似爾嬋娟絕世無難忘載酒是江湖藕絲衫子芙蓉髻併入雲藍紫句圖

憶楚霞

也宜淺笑也宜顰十五盈盈葦花春簾外乍聞香氣息燈前曾見好腰身玉鸞鑲篋閒針匠金鴨添香禮黛神翠閣紅樓春海裏滿城花讓一枝新

吹笙雙髻五銖衣幾度瑤池從紫妃香雪扇邊花蕊小霓  
裳隊裏玉環肥牡丹屏幃獨兒睡楊柳樓臺燕子飛一曲  
解紅翻鈿篋新聲吹上九張機

年來點筆解臨池絕世聰明絕代姿料理琴弦彈綠綺安  
排視匣譜紅絲竹枝移影邀卿畫蘭氣吹香讀我詩聞道  
清才似冰雪梅花孤嶼可相宜

賦罷遊仙賦夢華謝娘庭院泰娘家重來南浦銷魂地不  
見西天稱意花賸有鴛鴦畫圍扇更無鸚鵡喚琵琶分明  
巫峽朝雲影一抹青山隔彩霞

題楚霞小影

小影玉梅花前身萼綠華流黃盧女宅飛絮謝娘家秋水

雙眸鳳春雲兩髻鴉十三樓畔月曾照細腰斜

書寄蘅卿

漢殿嬌飛燕唐書艷采鸞纖腰迴弱柳竟體挹芳蘭月向雲中墮花從鏡裏看相期打雙槳來共話春寒

再寄蘅卿

月聚瑤臺雪風行閨苑花美人名巧笑仙子字凌華小巷尋韋曲迴廊識謝家相思不相見春水隔明霞

三寄蘅卿

花影轉迴廊琴聲靜曲房畫屏雙蛺蝶團扇兩鴛鴦簾前慙鬢雲鏡裏香盧家門巷在惆悵鬱金堂

四寄蘅卿



齊女門前柳吳王苑裏花枕雲香入夢鏡月曉生華約指  
金跳脫隨身玉辟邪春城芳草路期爾畫輪車

五寄蘅卿

春水木蘭橈春人宛轉橋桃花二三月楊柳萬千條微雨  
高樓簃輕寒水閣簫玲瓏新樂府一字一魂銷

六寄蘅卿

一雙蝴蝶兩鴛鴦會過盧家少婦堂花滿櫻桃如意館香  
濃豔蕊合歡牀珮聲隱隱燈移座簾影沉沉月轉廊惆悵  
見遲仍早別木蘭雙槳近垂楊

七寄蘅卿

畫閣重簾掩玉梅流蘇低亞靜粧臺鴛鴦廳小圍燈坐胡

蜨門遙背月開虛說宓妃畱枕去敢勞秦女卷衣來生平  
大有愴懷事紅粉多情解愛才

八寄蘅卿

鶉鴝聲裏雨如煙垂柳垂楊總可憐黃月簾櫳春水上綠  
陰門巷畫橋邊玉琴有約成三婦華屋何勞署四禪遮莫  
行魚吹雪過晚粧閒話曲闌前

九寄蘅卿

人在環肥燕瘦間曉粧明靚晚粧閒畫眉翠重低雙黛簪  
髻花繁彈兩鬟小榭鷗波盟白水高樓鴻隱傍青山春江  
桃葉都憐汝有約橫塘打槳還

十寄蘅卿

搏沙散雪悟因緣  
風絮雲萍感逝川  
桃葉夢回人似玉  
桂林天遠月如煙  
畫闌紅瘦秋陰裏  
鈿閣香銷暮雨前  
從此關山悵離別  
鶯花何處證情禪

寫白蓮團扇贈曇仙

前身應是婉凌華  
曉月銀塘浸素霞  
水佩風裳人似玉  
白蓮原是佛前花

青蓮菴訪曇仙 通慧 不值

感甄賦裏寫相思  
蘅薄流芳絕世姿  
來訪黃綰宣嘖地  
難忘翠袖卷簾時  
池邊花似曾舒牖  
樓外山如未掃眉  
有約重來證禪悅  
雙華香裏話琴絲

曇仙入道詩

何處仙庵綠水濱  
解從銀浦浣珠塵  
偶來雪北香南地  
重見花明玉艷人  
貝葉繙經畱小影  
曇花證果悟前身  
桂旗寂寞芝田冷  
洛浦空勞賦感甄

翠羽樓高憶玉顏  
闌干紅出暮雲間  
三生冰雪來姑射  
一曲宮商聽女環  
曾爲禁寒辭半臂  
記從賭酒畫雙鬟  
於今祇作蓮花想  
塵海清涼鎮日間

雲萍風絮各因緣  
回首欃飛劍動年  
憐爾已歸三寶地  
有人曾泛五湖船  
舊看瓔珞天魔舞  
新證華鬘玉女禪  
我是樊川老居士  
鬢絲惆悵颺茶煙

吳宮花草半經霜  
回首繁華夢一場  
明月更無曹比玉  
春風誰識楚憐香  
爐煙入定黃昏短  
棋局消閒白日長  
同在

四禪天上住紅塵碧海兩茫茫

春日謝校書池館

春雨滿池花春晴一樹鴉  
彈雲鬟影重迴雪舞腰斜  
桃葉舟雙漿芙蓉帳九華  
何如越溪女辛苦浣輕紗

過盤門弔盛姬文卿

畫橋西去問梅家靜掩紅樓黯碧紗  
罷酒昔年金谷聚見詩埋香何處玉鉤斜  
闌干未許圍瓊樹跳脫空貽感綠華  
回首芳園池檻上鏡波曾與照盤鴉

佇雲樓

綠樹陰深噪暮鴉紅闌干外碧雲遮  
一江春水迎桃葉二月東風見杏花  
蓬裏懷人非故國酒邊錄別憶天涯  
雙鬟

誰畫旗亭壁第一闌門夢綠華

石湖秋舫聞歌贈似蘭

後庭花發月輪開三閤風流絕世才  
畫裏分明題玉樹南朝曾識貴嬪來

花影瓊瑜壓舞筵歌聲親聽畫簾前  
城南舊事從頭憶畫舫題襟十五年

石湖秋水碧泠泠棗墅橋西泊畫舲  
記取洞庭張樂地冰絃一曲暮山青

楊花舞雪撲雕闌九畹羣芳鬥曉寒  
一種仙心塵外見幽懷眞作素心看

秋影樓贈金陵謝玉娘

十年前賦感秋詩影事前塵兩未知  
世外卿何春寂寂鏡中我亦髣髴絲  
絲迷離花影崔徽畫幃悵茶煙杜牧  
詩閒得眉橫殘月在南朝佳麗謝芳姿

玉微乞詩請以微字爲韻因贈一首

前身眞合是崔徽艷雪春痕麗錦幃  
匣裏琴心孤鳳語鏡中花影牡丹肥  
畫廊拾翠香生屢水榭憑闌月滿衣  
畢竟彩鸞仙第一壩城玉女見應稀

題玉微鸞岡寫韻小影

寫韻軒窓掩綺疏前身眞箇彩鸞如  
紅箋起草春屏暗翠袖簪花夜月孤  
自古佳人皆識字祇今仙子最工書  
澄心堂紙廷珪墨期爾同香拂壽魚

答王微問西湖

此地真堪匹尹邢爲君著意詠西泠一湖碧水爲明鏡三  
面青山擁畫屏也有鶯花嬌士女儘多清曠到仙靈我家  
第二橋邊佳期爾春遊湖上亭

以詩集貽王微並係以詩

萬首新詩未許刪美人樓閣卽名山偶逢桃葉思中令解  
唱楊枝問小蠻燈火昨宵憐半臂旗亭他日憶雙鬟生平  
文字因緣契多在脂痕粉暈間

幼香乞詩書贈一律

鬟髮纔教覆額黃果然嬌女字平陽秋花顧影亭亭瘦春  
柳迴腰嫋嫋長畫裏爾應斜卻月鏡中我已髭如霜禪心



縱似沾泥絮也學樊川易斷腸

贈雙林

雛鶯乳燕管芳年最小相逢白石仙  
初日芙蓉原綺麗早春楊柳已纏綿  
乞書花葉寧無意解話桃根倍可憐  
倚瑟桃鬟嬌似玉一行金鴈響么絃

贈張蓉卿

臨風弱態畫闌扶彷彿雲和柳一株  
月下吹簫憐比玉花前邀筵問流珠  
焚香小樹評詩卷聽雨重簾話藥爐  
飛燕輕盈勝靈鳳幾生雙槩謝家湖

蓉卿聞余解纜有期乞詩甚殷爲書四絕

一桁疎簾挂落暉幽香風靜颭金徽  
美人原是湘花影祇

含芙蓉伴羽衣

束素腰身戔削肩秋花瘦到夕陽前纏絲才語娉婷影病  
裏蛾眉更可憐

團香鏤雪寫相思猶硯奩前筆一枝誰解玉臺重作序替  
鐫新詠十聯詩

閒情偶寄託青琴意外茗華遇賞音我已煙江將解纜爲  
卿惆悵更題襟

贈小玉

小名真合喚無瑕鄭曲門闌認霍家簾外銀箏唱桃葉尊  
前翠袖折梅花意攀珠箔迴眸鳳語託香絃側髻鴉大好  
齊梁詩弟子春風珍重惜年華

倚雲閣贈金袖珠並寄高玉璫吳門

絕代才名絕代姿秦淮吳苑兩蛾眉  
六朝煙雨長千里三月鶯花短簿祠  
孤抱沉吟感知已清談惆悵託相思  
茶煙禪榻題襟處誰是紅樓夢醒時

兩人皆熟於紅樓夢

秦淮訪李香故居題桃花扇樂府後

烏絲小字寫吳綾璧月詞工狎客能  
劍外張郎有題句干

戈影裏唱春燈

船山題桃花扇句

血淚分明染竹枝梁園暮雪競題詩  
桃花宮扇今猶在誰

續蘭陵絕妙詞

桃花扇在中州陳氏蘭陵劉芙初曾見之

湘筠小閣畫簾秋惆悵前朝弔玉鉤  
讀到嬋娟長慶體夜

烏啼上媚香樓

錢塘孫碧梧女士有媚香樓詩

翠冷香消事可哀百年紅粉已成灰吳門近識張公子寬

得蛾眉小影來

近在吳門見張生  
伯治慕李香小影

東下黃河起陣雲祇餘殘淚哭三軍十年五度揚州過再  
拜梅花閣部墳

板礮列成事紛紛畫角吹殘日暮雲曾向鳩茲江上過亂  
山斜日弔將軍

軍中長揖騁雄譚眼見旌旗百戰酣太息英雄消暮氣樓  
船東下左寧南

立節須爭末路名貴陽畫筆最縱橫女兒能作忠臣氣奇

筆何人寫芷生

方芷生楊龍友妾  
與龍友同殉難

迷樓山海記新聞九百歲初野史存買得殘縑新樂府南

不願道堂詩外集卷九

十一

朝遺事總消魂

余買得無名氏詠史樂府所載勝國遺事爲多

亭亭仙影禮香龕水繪荒園日暮探我憶琵琶查八十翦

燈同譜影梅庵

余與查梅史相約譜影梅庵傳奇記董小宛事

絳雲殘月感啼鳥一樣芳名重尙湖記向西虞山翠裏重

題殘碣表靡蕪

余訪河東君墓於尙湖之濱重修且樹碣焉

往事梧宮跡已陳滇池天遠五華春梅村樂府圓圓曲別

有才人寫美人

舒鐵雲譜圓圓曲未成

云亭詞客最清狂小傳問繙壯悔堂不寫英雄寫兒女水

天花月總滄桑

侯朝宗壯悔堂文集有李香傳

蜀棧荆門劫火新英雄兒女各沾巾董家譜出芝龕記忠

孝神仙別有人

芝龕記董恒品所作紀秦良玉沈雲英事

煙雨淒迷夢蔣州吳宮花草最工愁今年大有消魂事題  
徧秦淮水上樓

掌書捧硯坐桐霞七字新題寫碧紗解爲含光惜佳俠鷗  
波仙子碧城花

附錄小鷗波館題桃花扇詩

錢塘  
女史管筠湘玉

絲竹蒼涼酒一尊南朝遺事寫溫存江山誰墮新亭淚  
花月空銷舊院魂公子才名歸黨局美人消息種愁根  
不堪重話青溪事落葉如鴉冷白門

江上青山翠黛浮當年遺事水東流玉臺已破菱花鏡  
紅粉甘居燕子樓複壁人遙梁苑暮重門天遠秣陵秋  
美人恨血燕支色一握冰絃弔莫愁

軼事何年記板橋才人細意譜冰綃北來鼙鼓連三月  
南渡煙花又六朝水閣祇今聽暮雨石城依舊上寒潮  
新聲大有離騷意一片滄桑付紫簫

漏舟歌舞事經年狎客新詞十種箋宰相無權驕節鎖  
君王有詔選嬋娟不聞戰馬嘶金鼓終見宮車走翠鈿  
讀到云亭新樂府南都遺事總淒然

秦淮雜詠題余曼翁板橋雜記後

南部煙花說舊京宜春子弟有新聲板橋雜記今猶在曾  
與羣芳署小名

金陵自古帝王州滌粉輕煙十四樓六代江山同寂寞秦  
淮煙景不勝秋

舊院沉香別有街家家水閣傍秦淮山溫水軟人佳麗三

百年中幾玉釵

此詠舊院

風露清秋澹暮雲紅闌攜手話逡巡一輪長板橋頭月曾

照當年擲簫人

此詠長板橋

燈船紅影艷春痕邀簫風流白下門解向尊前揮彩筆當

年祇有杜茶村

此詠燈船

寥亮仙音子夜歌檀槽激楚奏陽阿武威法曲今猶在絕

調琵琶響玉娥

此詠武威法曲

翩翩弱態定驚鴻小字簪花說最工惆悵金陵蕩子婦尙

畱小印識殘紅

徐翻自署金陵蕩子婦

漢宮誰似尹夫人第一曾推尹子春唱到江南腸斷句青



衫憔悴感風塵

尹春字子春

荒園飛絮損紅闌愁說朱家翠袖寒  
暫得長隄種香草至

今人識馬湘蘭

馬湘蘭於所居後築隄人稱湘蘭隄

曠世閒情欲秀羣風流誰似李湘真  
玲瓏小印迴文字自

把貞心鑄美人

李十娘名湘真字雪衣後易名貞美刻印曰李十貞美之印

蕊芳豪氣問誰同縱酒高歌孫武公  
玉碎香消虹氣在果

然兒女有英雄

葛嫩字蕊芳歸孫克威同殉閨中之難

美人遲暮感流年開寶繁華夢浩煙  
此是洛城張好好題

詩誰是杜樊川

李小大字宛君少事豪華晚悲流落曼翁以張好好比之

眉樓畫筆問如何硯匣梅花染黛螺  
福慧無雙人第一曲

中惟有顧橫波

顧璫字眉生又字眉莊眉樓其所居也歸龔芝麓受自書夫人封

青蓮山水證瞿曇白嶽黃山次第探記與琵琶查八十剪

燈同譜影梅庵董白字小宛一字青蓮歸自巢民有影梅庵憶語查梅史約余同譜影梅庵傳奇

記取黃紕入道來琴中花月最堪哀昨從錦樹林前過猶

賸埋香土一坏卜賽字賽賽後為女道士自稱玉京道人梅村有繫女道士卜玉京彈琴歌墓在梁

溪錦樹林祇陀庵後

小妹桃根說妙年畫蘭女子最嫵媚有人曾賦秋花影惆

悵恒河浩劫前玉京女弟曰敏善畫蘭梅村有畫蘭曲亭亭一翦秋花影同在恒河浩劫前彭甘亭

題卜敏畫蘭句也

藥爐經卷共溫存雙玉才名重白門賸水殘山煙楮在紅

閨真有范華原范珏字雙玉善畫山水

頤老琵琶舊譜傳琴心三疊寫秋絃離鸞別鳳哀如許薄

命紅粧最可憐

顧文字小文頓老女孫善琴鼓別風離鶯之曲佳入中之薄命者也

龍友才華舊有聲馬嬌玉貌亦傾城勸郎殉國全忠義更

有當年方芷生

馬嬌字婉生歸楊龍友不知所終方芷生歸龍友勸之殉節板橋雜記失載

卻聘詞高氣薄雲含光佳俠有精神一編樂府桃花扇占

斷秦淮二月春

李香李貞麗女俠而慧與雪苑侯朝宗善阮大鍼欲納交於朝宗香力諫止用仰欲

以重金致香香辭曰妾不敢負侯公子也卒不往

遭際多應誤貴陽修羅兵仗太猖狂當年何不師毛惜誓

取聲名第一香

王月字徵波有殊色曼翁詩所謂月中仙子花中王第一嬌娥第一香者是也歸唐

鳳觀蔡蔡香君後為張獻忠所得龍友一營復以事忤獻忠斷其頭以饗羣賊嗚呼等死也晚矣

匹馬南還記舊恩香九何處弔芳魂虞山詩裏畱佳傳女

俠誰知寇白門

寇嶺字白門歸保國公京師破脫身歸秦淮

薰香小像寫生綃詞客當年說二喬記向影香庵裏見月

明和影自吹簫

沙嫩沙才女弟也人以二喬目之曾居吳郡半塘有小像藏董氏影香庵

竟作明妃別故鄉筌篨夜月怨清商潞王城畔題詩處愁

絕秦淮宋蕙湘

宋蕙湘秦淮女子南都被擄過衛輝有題壁詩

### 後秦淮雜詠題秦淮畫舫錄後

題徧吳門畫舫春又從桃葉問芳津斜簪散髮高情在秋

影樓頭舊美人

謝玉秦淮舊人高情俠氣有馬湘蘭之風所居曰秋影樓

如此淡情見亦稀同心何處華山畿埋香合有鴛鴦塚連

理花開蛺蝶飛

侯雙齡吳人與施生有終身之訂格于假母相約飲酢同卒葬雨花臺

花下枇杷久閉門蘭陵消息夢無痕煙江月冷湘娥泣一

曲青溪易斷魂

陶酉兒與毘陵生有割臂之盟既而生負之乃自沈於秦淮青溪笑樂府謂通於假

母而死尙未  
得其寶也

歌舞當場酒一杯娥眉奇氣更堪哀多情誰似詹公子買

取千金駿骨來

姚磬兒梁四家女伶詹湘舲眷之梁居奇磨謂詹曰君誠愛妾妾不敢惜此生以辜

君意遂病不服藥卒詹買其柩歸葬之沈芷生羣峯集有傳諧譯亦載其事

畫筆空勞點染工尙畱餘恨在春風桃花潭水渙千尺不

及羅巾一捻紅

王翹雲舊與春痕秋影豔雪齊名嘗以舌血染絹素贈汪君紫珊松壺道人仿桃花

扇故事加點綴焉  
傾伽竹士皆有詞

秋影春痕一樣姿分明舉舉與師師我來正值梨花謝惆

悵埋香瘞玉時

艷雪舊與翹雲齊名余至秦淮適逢委化惆悵者久之

東風吹放孝廉船落日新亭敞別筵肯脫簪笄資僕馬名

姬誰似董青蓮

董宛卿慕小宛之名因以宛卿自號桐城姚公子將賦計借困於僕馬宛卿傾囊橐

助

水閣停箏掩曲闌天風吹袖羽衣寒多情誰似徐司馬修

到文簫伴彩鸞

吳藕香識稼庭司馬於失意中既而子身自歸甘列諸姬之末稱宜家焉

蘭摧蕙折掩修蛾從古嬋娟恨事多我識吳門王騎尉綠

波春水竟如何

周寶琴於七夕生有三生之訂有湯某者以重貲啗其父寶琴遂鬱鬱以死春水綠

波寶琴與生  
鴉政隱語也

幽花香露濕冰紈定有閒情賦曉寒雨得繡餘清課在風

流彷彿見湘蘭

馬又蘭字閨湘善畫蘭小印曰繡餘清課

桃源初到已迷津雨露餘香一橈春燕子鶯兒各新嫁宮

家水榭更無人

宮雨香露香同居聽春樓

青門才子最風標孝穆文章重六朝笛步秋花誰第一雕

關移種美人蕉

趙小如桐華女也青浦邵子山以美人蕉比之邵官中州載與俱往筵步秋花譜邵

所作也

一翦湘花已絕倫  
凌波微步不生塵  
那知別有穠華在紅

玉酣春絕世人

單芳蘭小玉同居蘭修玉潤未易軒輊

吳娘風貌最清華  
荳蔻香溫脈絡紗  
七字新詩早移贈春

人嬌似未開花

吳蕊香春人嬌似未開花七字余在吳門口占贈陸髮雲句捧花生借贈蕊香

畫舫新編有盛名  
倚雲高閣最多情  
情禪奈透紅樓夢曾

識吳門高玉英

金袖珠吳門人居倚雲閣高玉瑩秦淮人居吳門兩人皆熟於紅樓夢

玉樹瓊枝定出羣  
芙蓉曼睩似文君  
青衫司馬今何在愁

絕煙江日暮雲

文心字蓉玉廣陵人

樂府新歌武媚娘  
盧家原有鬱金堂  
美人種罷空男草依

舊湘花一種香 武佩蘭

國色天然數牡丹瓊琚親見羽衣寒許教寫韻軒中住第

一仙人是采鸞

吳玉微花明雪艷兼通文義曾以所居和假爲題停雲水榭額

欲與蘭嬰小字題燕髻未鬢髮初齊願兒自秘瓊粧玉好

作蓮花莫染泥

吳玉齡雙齡玉齡字又香余爲易之曰幼香

瘦影幽香更一枝藥爐煙澹夕陽時樊川姓氏人猶識臨

別殷勤索我詩

張寶齡子容裳工韻語乞余題詩因與梁溪農部同名更字之曰蔡卿

玉樹瓊枝連苑栽雙花鏡裏共徘徊美人自古如名士我

識江東二陸來 陸素月韻香

澹粉輕煙是蔣州板橋雜記泝前修有人畫舫編新錄惆

悵春風十四樓

秦淮畫舫錄車君秋舲所作會貽書乞余爲序



我亦人間過半生吳宮花月有虛名偶來小住青溪曲更

與題詩唱石城

吳門畫舫錄董君竺雲所作錄中余詩爲多

歸帆容易又江湖回首前遊夜月孤有約停雲新水榭重

來更與覓遺珠

淡句小住聞見無多珊瑚遺珠當俟諸異日耳

### 碧城仙館感舊詩

江東羈宦十三年花月閒情翰墨緣國色無雙人第一煙

波惆悵五湖船

墨蘭卽雪棠余字之日舊卿

國色嬌酣數牡丹國香珍重說芳蘭分明玉雪修羅女當

作諸香悅意看

高楚霞

絕代蛾眉有盛名嬋娟遲暮可憐生有人腸斷彈琴曲身

是南朝卞玉京

丁小窓善奕工彈琴中年入道

玉梳溫存水梳清落花飛絮感啼鶯春山一路靡蕪草知  
傍真孃墓上生

吳素婷

秦淮水榭月當花春雨紅橋第幾家自署碧城詩弟子桃  
根小妹最么斜

高玉霞

蘭陵春色艷紅芙一串玲瓏一斛珠昨向梅家橋畔過紅  
樓還有此人無

盛文卿

燒殘銀燭話春寒惆悵清歌感墜歡最憶清淮臨別處一  
雙紅袖淚闌干

吳卿

墨澹香疎寫一枝寫花原當寫相思畫蘭女子今何在惆

悵梅村本事詩

黃月香善畫蘭

寥落人間事可哀夢中胡蝶又飛回黃絕翠帔餘香澹曾

見嬋娟入道來

董小雙

花同旖旎玉同溫  
璧月華燈伴酒尊  
六尺瓊瑜方寸地  
驚

鴻一舞最銷魂

程桐香

紅豆當筵按紫簫  
青溪流水石城潮  
吳孃水閣瀟瀟雨  
一

曲新聲話六朝

朱紫香

一曲清歌妙入神  
桃花流水可憐春  
桐橋畫舫山塘路  
憶

爾凌波解佩人

懷素芬

善才法曲過行雲  
絕調王康並入神  
一自五湖雙載去  
琵琶

弟子更無人

杜宛蘭

潭水桃花影最芳  
前身原是杜蘭香  
芳姿團扇圓如月  
羸

得人間喚謝孃

謝又蘭

一斛香螺十斛珠豪情誰似石齊奴侯門如海奉如水寂  
寞簪花第二圖 杜小蘭

楚調冰絃響最哀一聲清怨一徘徊紅樓四壁春燈夜親  
見瓊花玉樹來 胡秋琴

春燈紅照研花樓一曲新聲一斛愁記向玉梅花下見鴛  
鴦裙釵鸚鵡裘 杜季蘭

玉鉤長日下流蘇十八鬟多懶不梳碧鳳坊西人不識枇  
杷花下閉門居 夢香卽蕊蘭

藤蕪滿地綠初芽七里山塘走鈿車記取羅巾舊題句春  
人嬌似未開花 陸曼雲

待月西廂定有情崔徽小影最傾城十年前事分明記學

畫鴉黃半未成

崔小鶯

翠暖紅香畫閣開  
花飛釧動亦徘徊  
江南我是韓夫子  
乞

食歌姬院裏來

郁素娟

病中人是雨中花  
往事袁江水一涯  
重向鬱金堂畔見  
碧

雲無際  
彈盤鴉

戴琴芳

新聲一曲紫雲迴  
史鳳娉婷有逸才  
愁絕玉關人萬里  
碧

雞天遠望歸來

史文香

畫樓四面擁春蘭  
繡幙圍香避曉寒  
解說西川高節度  
尊

前曾作薛濤看

虞香雪

寶兒顰態絳仙愁  
花梳溫存水樣柔  
一自蘭橈過江去  
有

人明月說揚州

張小蓉

小園花影擁雲鬟明鏡流光照玉顏記取琴河臨別處絳

雲樓上看春山

劉美

靈髻盤蛇髻彈鴉當年玉貌最風華西施去後無消息一

翦重看素奈花

錢星娥

晚粧燈影豔蘭缸細雨紅樓掩綺牕除卻鏡中人絕世美

人祇合號無雙

邱鏡雙

木蘭艇子木蘭橈閒泛花津第幾橋涼露欲流天在水澹

紅衫子坐吹簫

李小娟

清商何必學吹笙玉齒飛花玉屑輕解訴閒愁解啼恨前

身應是轉春鶯

倩鬟

名花初放月初圓三五佳期二八年水佩風裳人絕世本

來天女貌如蓮

曉雲

碧天如畫暮雲收華月盈盈上玉鉤涼露無聲花解語水

精簾外不勝秋

素月

畫樓芳樹冷啼鴉何處平陽識舊家滿地落紅吹作雪更

無人弔玉鉤斜

綠琴

水閣垂楊畫檻苔雨中雙燕自飛開渺然玉襪凌波去曾

見蓮花步步開

繡妹

女蘿憔悴別烟嵐回首桃花水滿潭別有丰神堪絕世花

枝誰似寶兒憨

小琴

細骨輕軀怯曉寒銖衣宜稱步珊珊分明周昉丹青在寫

入芙蓉扇底看

月仙

玉蕊冰枝泥早春幾生修到此花身定知解誦樓東賦更  
與芳名署小蘋

梅仙

一帆春水又天涯纔見閨門萼綠華記得彩雲橋下泊水

窻風急響琵琶

如蘭善琵琶於楓  
檣別筵始識之

弱羽應知怯曉風兩番小病覺匆匆分明繡幙湘簾外一

樹桃花細雨中

蘭卿

壁月瓊枝問麗華書仙翰墨更名家春風惜未雕闌種一

樹西天稱意花

硯雲性嗜翰墨於  
鄭氏小紅樓見之



頤道堂外集卷十

錢塘 陳文述 退庵

古今體詩 贈荅題詠補

贈毛申甫 獄生 並寄春木

我昔宰吳淞滄波橫浩渺屈指眼中人此邦何太少雲間  
姚公子說君富文藻鶯鶯鳴鵲雛驪走驟裏聞聲未識  
面煙雲隔蓬島今年吳閭城把臂互傾倒詞源峽倒流筆  
陣軍橫掃君祖牧簡州青犢正雲擾百戰障孤城力盡膏  
野草 君祖大瀧官簡州殉教匪之難 故人孫子荆 謂蓮水 殷勤寄殘葉斷縑  
閱盡篋光氣燭參昂家世懸孫賢文字昌黎好一卷金石  
文硬語出天造抱負空古今八口苦不飽知君幸未遲識

頤道堂詩外集卷十

君悔不早吳門有七子  
壇坫重江表得君更英絕  
陽春白日曠我生久獲落  
羽翮鍛凡鳥願君崇令名  
積學儲瓌寶君今去何之  
前路事杳渺閭嶠雲巖巖  
章江流浩浩高堂兩世孀  
衰年倚蓬葆少婦依外家  
歸帆愁細小征夫感黍稷  
詩人嗟荼蓼無計能畱君  
中心愁如擣題詩慰寂寥  
還與寄峰泖

贈吳枚庵

翊鳳

江左論耆舊斯人最老成  
孤懷雲比瘦心跡水同清  
妙得王韋體兼之屈宋情  
歸愚壇坫在津逮到羣英

贈王二波駢尉

嘉祐

挾策復鸞弧才名重左徒  
詩原宮體艷官是羽林  
孤夜月

橫綳素秋星映湛盧少年嫺將略家世本通儒

講席高堂上文章間氣鍾西河卜子夏東漢郭林宗著錄

貽淵雅聲華美辟雍更無前輩在何處逐雲龍

謂尊甫惕甫先生

解唱黃顰曲英雄鐵襴襦一官司呂堰百戰障襄陽慷慨

悲家祭淒涼弔國殤知君膺世爵韜略在金箱

君嗣父翼孫官湖南

呂堰驛巡檢死教匪之難祀昭忠祠君因是蔭雲騎尉也

令弟才尤好奇文抱杜韓五君有新詠七子此騷壇白袷

推三俊烏衣數二難紀羣交誼在官閣憶春寒

謂令弟井叔

### 贈吳南薌並寄松壺

畫手今誰好吳生遠擅場煙波足清曠雲樹入蒼茫我有  
鷺溪絹煩君畫草堂祇須着鷗鷺不必寫鴛鴦

四十年來事因緣幾畫圖勞生久開塞浪跡半江湖出世  
人今昔歸田事有無一竿一蓑笠祇合托菰蒲

我友松壺子殷勤記雪鴻光陰詩卷裏身世畫圖中北郭  
何人在西溪有路通補亡勞束皙寫我片帆東

贈吳玉松侍御

江汀斜日憶停驂歸老煙波楚水南失喜青燈溫舊業尙  
吟筆愕新參湖山竟踐中年約花月何妨老去耽聞道

封事在其傳高議付清談

謂馬秋  
葉光祿

贈劉孟塗

門英彥吾皆識又見劉生出皖桐健筆力爭明七子壯

三公洪黃

雅存  
仲則

壁壘森嚴外吳鮑

山尊  
覺生

聲名指

顧中甚欲與君商一語莫將天驥誤雕蟲

翠屏洲贈王柳村

故人家在曲江湄退谷高風想見之花柳有情臺注雅雲

山如畫閣徵詩好將經濟抒中論莫但文章替左司我結

蒲輪頻勸駕煙蘿何事託心期

以孝廉方正山林  
隱逸徵皆不就

重過翠屏洲再贈柳村

翠屏洲上翠參差千樹桃花萬柳絲才子能爲神雀頌故

人家近佛狸祠曲江濤壯亭名古爾雅臺高石骨奇何日

同尋三詔洞松寥閣上坐題詩

贈友人任俠者

河魁韜畧互知名難得才人竟合并公子釣鰲原跌宕將

軍射虎更縱橫連營牧馬雲中戍列燧防秋海上城好學  
孫吳同報國莫將經濟負生平

題焦南浦

袁熹

此木軒詩後

吾愛焦夫子言詩圓滌東高情真野鶴遠意得飛鴻清與  
水無際澹如雲在空修書尋玉局蹤跡定應同

有請仙者  
言先生與

余前生皆在  
玉局修書

題張紫峴

九鉞

陶園詩集

大敵洪黃外蒼頭起異軍連波走江海奇氣鬱風雲羈宦  
三生合浮名一席分沈吟春雨夜未敢薄夫君

翠屏洲上客兒輩識詩壇豈意憐豚犬而云匹鳳鸞懷知  
憐我拙論古覺才難騷雅淵源在何人到建安

柳村以余  
子裴之詩

匹紫峴  
按云

題何蘭士方雪齋遺詩

當年何水部刻意詠新詩  
流水琴三疊梅花笛一枝  
名場秋士老  
廣座酒人悲  
騷雅靈芬在遺編  
我所思

題趙北嵐畫鶴軒遺詩後

琴響隨人寂  
遺詩畫鶴軒  
冰霜寒有骨  
煙水澹無痕  
才力諸家廢  
矜嚴五字尊  
離騷最幽怨  
淒絕解招魂

題許周生鑑止水齋遺詩

先生通絕學  
餘事亦爲詩  
偶值微吟處  
應多絕妙辭  
山中春寂寂  
湖上雨絲絲  
回首西園集  
清譚我所思

才人嗟鵬鳥  
處士厄龍蛇  
援筆自三品  
著書空一家  
歸雲

祠屋樹流水墓門花誰解題碑去琅嬛隔暮霞

題文靖相國百一山房集

臨平山色鬱蒼蒼百一新篇最擅場半世煙霞臥巖壑廿  
年節鉞老封疆朝天集好呈雙闕益地圖開寫入荒憶共  
文孫親檢校銅龍門第碧雞坊

題吳竹橋禮部

蔚光

素修堂詩集後

豈獨湖田樂府工翦燈刻意寫春紅十年賦誦張平子萬  
首詩編陸放翁碧樹停雲古臺榭玉笙吹月畫簾櫳卷中  
大有閒情在吟徧煙江雨一篷

題家勾山太僕紫竹山房集

宗袞聲華重漢京遺編親與校溪更塞雲海月懷朋舊池



早庭花感弟兄後輩袁吳誰並駕簡齋穀人皆同里同館後輩當年杭

厲本齊名文孫才望家聲在綈紉行看寶晏楹

題馬秋藥太常秋藥庵集

春明曾共太常齋雲臥東南憶此才文苑傳中新卷軸武

林山下舊樓臺聽鶯醉臥僧寮雨載鶴香尋野嶼梅誰識

芒屨筇杖客當年辛苦觸邪來君曾劾江督某公

題錢梅溪梅花溪上詩

溪上梅花澹晚煙花香長拂舊吟箋青門嘯傲書名重朱

邸聲華海客傳感我浮蹤仍薄宦羨君偕隱早歸田觚稜

舊夢琅嬛事回首題襟二十年

題琴河女史季湘娟蘭韻詩草

虞山清瘦尙湖寒一卷新詩抵蕙蘭高格人將蕊宮比苦吟我作柏舟看紅窻繡綫悲孤燕翠墨簪花識采鸞太息令嫺才命薄祭夫文字更辛酸

梁溪女道士王清微以新刻清芬精舍小集墨刻楷書詩品見寄余以頤道堂詩集荅之並賦一詩奉寄  
優曇香影暈朝霞福慧雙修本一家謝女詩情工詠絮衛娘書格妙簪花停雲畫舫畱觴詠聽雨空山感歲華我已年來懺文字爲君結習障恒沙

題吳清如廣寒秋樂府

記從畫舫見雲英一鏡春波照影明信有才人嫁廝養可無名士悅傾城神仙慧業三生事兒女悲歡一種情七子

騷壇最英絕莫將花月誤才名

題嚴麗生海雲堂集

大戟長槍筆陣圖每於平處入韓蘇中原十萬橫磨劍能敵詩壇門將無

題王丹生詩草丹生錢塘人僑寓婁東

蕭琛貧病彭蘧老雙鳳婁東少替人君向曇陽祠畔住奔州才筆最清新

摩詰新詩最出羣懷鄉心事託榆枋西冷諸客吾皆識只少黃冠汪水雲

徧讀楹書隱澗阿城西老屋掩秋蘿錢塘學士頭如雪肯爲王哀廢蓼莪

故鄉風雅如君少，卻向江南寄此才。  
一角青山萬梅樹，湖山如此合歸來。

題孟襄陽畫像

我愛襄陽孟浩然，詩懷多在鹿門山。  
山中松韻自然古，湖上月華如此閒。  
挂席偶從峯下泊，拂衣曾自帝前還。  
孤懷誰似王摩詰，解向瑯亭寫玉顏。  
張九齡爲荊州辟置於府開元末王維過郢州畫浩然像於刺史亭因曰浩然亭鄭誠更署曰孟亭

唐陸宣公墓栢重青圖詩

宣公墓上唐時栢，枯幹回春事亦奇。  
香葉曾經宿鸞鳳，空山忽見走蛟螭。  
艱危事業扶王室，經濟文章替左司。  
一樣棟材千古少，參天黛色武侯祠。

題宋徽宗畫雙燕

舊巢零落沒塵沙  
吹盡西風艮嶽花  
何處湖山好宮闕  
春來辛苦又移家

題唐六如畫太真沉醉圖

蛾眉入宮闈  
頻笑關天下  
不見華清宮  
太真色嬌妖  
沉醉亦偶耳  
已兆延秋駕  
太息馬嵬坡  
梨花經雨謝

題楊龍友畫蘭

露葉風枝寫兩三  
貴陽筆法畫禪參  
揮毫尙是承平日  
不學孤根鄭所南

煙雨長干賦夢華  
臨風寫影對湘花  
花前捧硯何人在  
定

有蛾眉珠玉

耶珠玉耶龍友妾  
殉龍友之難

雲臺師命題謝樗仙蘇隄春色圖

紅杏朝煙低屋角昨夜小樓春雨足東風又報百花生芳  
草粘天橫遠綠淮南使者人中仙三生獨結湖山緣紅箋  
十六召詞客露桃花下排長筵春雲欲動春波浩幾疊春  
山出林樾彷彿蘇公隄上行畫裏前朝謝生筆謝生畫筆  
妙入神山齧齧分波鱗鱗綺羅金碧兩明靚一角占斷西  
湖春我憶年年湖上住玉驄嘶過湖西路曉霞紅擁葛仙  
祠垂楊綠隱蘇娘墓一片流雲蕩畫橈依然春水漲三篙  
披圖振觸平生夢愁過當時第一橋先生手指西泠樹屬  
我花前重覓句儼峯雲影入空濛此間是爾題詩處我媿  
彭宣侍絳紗公門桃李共春華乞將一片揚州月長照蘇

隄萬樹花

題墨井道人吳漁山畫山水冊

當年吳墨井辛苦畫溪山翰墨至今重林泉終古間柳疑  
鶯喚起雲共鶴飛還誰識荆關筆高名動百蠻

墨井曾至西洋諸國

題阮湘圃封君九里洲看梅花畫卷

春水綠春洲春風上桺樓梅花千萬樹香入大江流有客  
看山去何人載鶴遊詩心同浩蕩三十六閒鷗

武林節院聽雨楊補帆爲作春山話雨圖因題一首

西牕納山綠濕雲滿庭戶簾外春陰寒落紅漬無數嶽嶽

家元方同心結儔侶孫吳

蓮水濟川

兩詩壇紀律嫻規矩吳中

有妙才所學各千古李生

尚之

精律算蔣生

蔣山

通訓詁

周昉善丹青

采巖

妙與龍眠伍靜者林君復

篠溪

簡默寡

言語相愛若手足忘形到爾汝豪氣雙青萍艷歌四白紵  
僕也舉一觴慷慨頻起舞我師亦時至經緯發機杼教士  
喜論文籌海樂講武話到燭花銷統統聽官鼓不知山雨  
來萬點激飛鴛春山話雨圖爲乞補帆補所惜張三影  
晴  
崖一別忽如雨

同作

陳鴻壽

曼生

登山不宜雨看山不必晴前峰納庭戶冉冉雲初生雲  
生未肯飛花落相因依一夜雨聲足春瘦梅子肥雕梁  
夢雙燕人語催銀箭昨日柳如眉今朝柳垂綫柳綫那  
堪折同心愴離別渺渺胥江煙皎皎揚州月煙月接天



涯橫塘飛柳花歸來重話雨春在阿誰家

題謝蘇潭方伯六如圖小影四幅分寫四時一走馬  
一獨立也

東山高隱西江儒讀書致君如唐虞宰官身證羅漢果不  
圖一品圖六如六如分象四時氣春風桃李秋風桂愛蓮  
說後賦梅花宰相襟懷君子意走馬長安憶少年玉珂聽  
漏待朝天生平獨立蒼茫意心事分明白樂天西湖近在  
城西路第一湖山最佳處兩隄煙雨六橋花一亭香雪孤  
山樹四照樓頭月似弦八甄閒話永平年廣經削盡三千  
牘詠史吟成五百篇

公所著有廣經義  
考及詠史五百首

畫裏六真長不改

卿雲霽月瞻丰采他年湖上祀三賢阮琅嬛與秦淮海

謂雲

臺學使小  
覲觀察

題伊小尹太守吳山片石居圖

一片吳山石清陰共畫闌  
鳥啼松徑靜雲臥草堂寬  
風雨尊前合樓臺月下寒  
微吟對青峭孤嘯落詩壇

王簣山觀察跨鶴盟鷗圖

先生風格瑤臺鶴縹緲仙  
心橫碧落先生懷抱煙江鷗  
閒逸趣澄清秋名場宦海三十載一卷新詩吟海岱東望  
海岱推高門漁洋詩派詞壇尊春風玉節移江渚東閣琴  
尊開水部跨鶴來看隋苑花盟鷗憶聽明湖雨柳外輕雷  
閣外虹平山何幸識歐公水亭一奏南飛曲同在蕪城夜  
月中

題吳南薌

文徵

東方三大圖蓋泰山渤海孔林也

黃海吳生天下士才藝絕人世無二前年示我三大圖倉  
卒未曾題一字今年訪我姑蘇臺我亦纔泛滄溟歸重出  
舊圖屬我作嗟我久已成凡材大莫大於五嶽之長稱岱  
宗長白渡海尋來龍滄海之水不可紀沐日浴月江河東  
豈如聖人之道大無外上蟠下際瀾虛空憑巨壑分凌高  
峰泰山吾曾登滄海亦屢浮聖之高淡不可求景行極目  
三千秋吳生吳生海內畫筆無爾儔

題潘榕臯

奕雋

虞山秋眺畫卷

不到虞陽麓蒼茫已八年重來領山水舊事感雲煙十里  
松篁路三生翰墨綠劒門最清峭期其姓名鐫

題孫子瀟隱湖偕隱圖卽用原韻

畫眉寫韻總華年畫閣玲瓏似畫船  
書幌靜臨青嶂捲琴牀閒借綠陰眠  
梅花香裏安吟榻流水聲中洗硯田  
天與詩人好煙景絕勝孤嶼臥通仙

嗟余羈宦迫中年空向江鄉夢釣船  
往事靜聞梁燕語閒情長對野鷗眠  
眼前緣明月三生石歸計青山二頃田  
久擬漁莊攜眷屬輪君偕隱是神仙

原作

孫原湘

耦耕心事畫眉年小隱須尋屋似船  
四面不容無月到一生長得對山眠  
只消春酒如湖水盡種梅花作墓田  
未敢更乘蓮葉去怕人猜著是飛仙

題周子野仙山紀夢畫卷

我生乏仙緣屢作遊仙夢一夢賦碧城迴欄隱方空再夢  
遊天台雲瀑開懸瓊花夢羅浮香雪夢玉天凍凡心昧夙  
世前因或未種羨君抱仙骨丰采儷韓眾山水賦大謝文  
采埒小宋無端山靈邀偶作水仙弄弦外見幔亭波間出  
雲棟惚恍朱鳥窻彷彿靈威洞杳杳行羣真宛宛集侍從  
銖衣輕欲賜霓裳妙無縫一人最佚麗桂旗遠相送緱母  
班文麟秦女紅尾鳳畫手好丹青水天寫雲霄參差雲樹  
間疑聽仙禽啼定有紀夢詩會當飲水誦瀛海憶歸槎展  
卷碧雲重

題梅花溪圖送梅溪還江

梅花溪上梅花客年年飽看梅花雪花枝影落溪水香照  
見花光作淡碧鄧尉香海春波空莫釐縹緲橫雙峰青山  
綠水遠復遠幽處往往仙人逢去年醉踏長安道迴首家  
鄉隔煙島翠羽啼殘人不歸梅花空向春山老今年抱琴  
歸去來故園春早花應開看花飲酒萬事足底須惆悵黃  
金臺我生愛花久成癖高詠花間臥明月東閣春燈醉玉  
簫西溪曉艇吹銅簾草堂況近逋仙家青山影裏枝橫斜  
昨夜披圖夢梅萼也思歸抱孤山鶴

題萬浣筠秋窻視藥圖哀令弟固田作也

君家好兄弟雙鴈雲中翺一旦忽中斷哀嘆悲湘臯君昔  
事河壘沙磧疏奔濤量功與授食仲也同劬勞僕也亦從

事臭味同醇醪感嘆手足誼篤行真吾曹豈料二豎虐漸  
及盲與膏經營到藥餌味苦心同操君方居茂苑我亦乘  
吳舸晨夕相過從燈火同淡宵秋雨旣淅淅秋風亦蕭蕭  
祇今圖中景一一身所遭讀者尙心惻何況同弦匏我仲  
昔臥病我方客燕郊鳳城夜聞鴈夢寐心忉忉涕淚老親  
書雜誦驚魂淆遺文尙未定孤兒猶待教展君此圖畫秋  
氣凝生綃三復唐棣詩悲感同離騷

題朱南臺天風海濤琴曲圖

天風浩浩從東來海濤隱隱聲如雷寓鶴軒中聽琴處滿  
庭寒雪梅花開誰寫江山弄奇譎玉峯畫史王摩詰圖中  
彷彿水仙操一曲冰弦海天碧君言宦海最蒼茫十五年

來事未忘會得少文游覽意泠泠餘韻賜清商雲帆知向  
何方住前程別有仙山路五夜魚龍吟嘯聲九霄鸞鳳飛  
翔處花月江山浩蕩春扁舟處處觸迷津抱琴欲訪成連  
去我亦蒼茫宦海人

朱青湖徵君湖灣種魚圖

湖之山兮翠環湖之水兮清且閒伊人寄傲兮何所聊種  
魚兮湖之灣湖灣近在城西路漠漠曉煙飛白鷺柴門幾  
處臨水開都是漁家種魚處春水灩灩春柳長湖隄二月  
桃花香三月船頭散魚子五月水面分魚秧世外仙源孤  
櫂引閒與樵青話茶筍萬梅花下古苔磯我亦西溪舊漁  
隱



題素山三生同聽一樓鐘圖玉溪生句也

雲萍風絮感飄零  
流水年華舊夢醒  
何處夜鐘聲不斷  
小樓閒坐一燈聽

清響隨風度石潭  
綠陰淡處問茆菴  
因緣別有人天在  
同證聞思各自參

紅樓殘筵畫船簫  
禪榻茶煙伴寂寥  
懺盡凡心悟禪悅  
夜鐘聲裏雨瀟瀟

壑庵高臥有前身  
佛火蒲團證夙因  
一角南屏山下路  
三生我亦聽鐘人

題韓聽秋僧服小像

詩名早歲同張籍  
經席中年奪戴嵩  
盤谷有人懷李愿  
蘇

門何處問孫登閒偕迦葉翻千偈老向曇鸞悟一燈何處  
雲山尋舊衲前身我亦壑庵僧

毛申甫吳淞對雪圖

君本吳淞人不看吳淞雪嚶城八口久移家閩嶠十年長  
作客不看吳淞雪恰寫吳淞圖荻洲雲黯墮沙鴈樓船風  
急鳴檣烏我昔宰吳淞曾至吳淞口秋月寒聽別浦潮春  
陰綠徧長隄柳披圖認吳淞思作吳淞游一樽閒看海門  
雪期君來話小瀛舟小瀛舟余吳淞界齊名

題阮梅叔虹橋詩社圖

今雨聯吟託古歡綠陰如畫接紅闌橋通永叔平山路人  
作樊川水榭看江左三家多別派吳門七子有詩壇琅嬛

我亦題襟客回首春明舊夢殘

題許劬船刺史松石閒意圖

我識蕭思話人言許散愁高門推月旦羣從擅風流五嶺  
驂鸞錄三江載鶴遊畫中聊憩息清絕一林秋

清峭三生石高寒九里松江湖畱宦跡雲水話遊蹤北郭  
花前社南屏月夜鐘何年共歸棹煙外認雙峰

題金手山雪意圖

流香溪橋斷冷香紫煙漠漠墮斜陽寫將紈扇人如玉修  
到梅花命不長鄧尉人歸雲淺碧羅浮夢醒月昏黃鴈聲  
撲瓦低飛急愁絕詩狂更酒狂

題高午莊閑閑樓圖令祖介石先生西溪別業也

頤道堂詩外集卷十

十四

浮香曾詠畫中梅

浮香樓亦介石先生西溪樓名  
午莊令弟犀泉繪圖乞余題詠

聞道春

溪帶雪開花海定知籠鶴去翠微何處抱琴回當年觴詠  
人長往如此溪山我未來久已頭銜署漁隱紅泉錦石憶  
秋苔

題阮梅叔珠湖漁隱圖

兄圖射鵬弟盟鷗卅六陂前細雨秋我亦西溪舊漁隱萬  
梅花裏有扁舟

名場宦海兩無涯爨下焦桐感棄材有客珠江久持節白  
頭何事不歸來

題高犀泉書牀圖

燈屏吟榻共三餘四壁琅函富石渠我亦碧城營小築萬

花香擁一牀書

帳觸題襟舊夢回十年往事付銜杯  
袁江夜雪虞山雨記  
否聯牀共讀來

題陳星圃桐江雪棹圖

畫舂聲斷酒初醒偶向綸竿話客星  
七里水波煙外碧四圍山影雪中青  
歸帆何事衝寒發漁簖應知倚枕聽  
如此江山吾未到輸君畫裏獨揚舲

沈西鵠載酒訪詩圖

曝書亭外波光動水繪園中月色新  
同是詒經精舍客羨

君餘事作詩人

君嘉興人官如皋令與余同受業琅嬛

鷗閒宦海凡心盡驥老名場壯志灰  
江上青山如黛裏看

君載酒訪詩來

兩家壁壘無長慶七子才名又建安我已年來懺文字讓

君高曾領騷壇

兩家謂簡齋歐北七子指西生諸君

吳興月色圖西離與其佳耦戴墨華夫人小瓊玩月

之作

攜李城邊客蓮花庄畔人一雙仙侶俊三五月華新寫韻  
前身事聯吟小苑春吳興清遠地管趙有芳鄰

廖裴舟風雨懷人圖

濕雲如夢暗江湖風雨瀟瀟感索居四海交遊名士酒百  
年離合故人書蒼茫心事燈昏後蕭瑟襟懷鴈到初我正  
羈棲感嶠昔煙波何處託雙魚

題萬浣筠同心蘭畫冊卽用原韻

簾押丁東佩響玲  
楚天瑤瑟感湘靈  
酒攜芳榭吟香酌  
琴倚紅闌待月停  
騷客閒情誰屈宋  
才人新詠幾溫邢  
國香入夢畱雙笑  
應有新芽茁謝庭

喬香岑紅樓話別圖

垂柳垂楊暗去津  
扁舟斜日可憐春  
青衫紅粉飄零處  
都是江淹賦裏人

話別應知別緒多  
問君別後更如何  
有人水繪荒園路  
一樣秋風感女蘿

一重滄海隔前盟  
話到萍蹤百感生  
殘月曉風楊柳路  
祇應愁煞柳耆卿

我亦生平感別離  
綠波春水易相思  
年來悟徹空花意  
飛絮流萍總不知

題汪靜淵瀟湘聽雨圖

一夜瀟湘雨  
離人最耐聽  
孤舟秋乍覺  
客枕酒初醒  
楚水煙中白  
君山鴈外青  
何人弄長笛  
漁唱入冥冥

又題桂林秋夢圖

西風吹客夢  
又是桂林秋  
五嶺東西隔  
雙江日夜流  
功名中歲感  
兒女故鄉愁  
我正思君處  
歸帆古渡頭

穹窿山道士許師竹移石居圖

林外煙纒夕  
照疎四圍空  
翠擁蓬廬鍾  
吾山色青如許  
合與華陽署  
隱居



伴鶴雲房宿小齋  
松梢飛瀑下庭階  
數峰青峭天然好  
移石何如就不佳

山中紅樹醉清秋  
湖上青螺幾點浮  
我是會稽王逸少  
看山思約許詢遊

小閣還元隔暮雲  
琴聲閒向雪中聞  
披圖認取山前路  
待訪梅花一訪君

天香何處禮仙壇  
徧地松花路幾盤  
我自青崖閒放鹿  
何人碧落共驂鸞

十年宦海滯江南  
畫裏移情指翠嵐  
幾處丹房幾仙客  
期君閒踏白雲探

南屏嘯溪上人行腳圖

畫禪詩佛因緣在笠雪鞋花汗漫遊何處當年舊行跡回  
山黃葉一天秋

山舫傳燈二百年萬峰蒼翠夜橫煙誰知七代詩僧外更  
有天龍一指禪

海天萬里倦行滕歸去西泠悵未能閒話南屏山下路前  
身我亦壑庵僧

題韓履卿小林屋圖

昔聞林屋洞中有龍威書欲往不可卽煙波渙具區韓君  
吳舊家家有小林屋琅嬛積軸多我欲從君讀君今遊京  
師別此園林去鄉思動羈懷難忘讀書處我別西湖路經  
今十五年牀頭屏幃土亦畫故鄉山

題琴河本事畫冊

青驄油壁事成塵  
獺隨何人爲寫真  
我亦西泠橋畔住  
錢塘蘇小是鄉親

塘城讌罷散青鸞  
小立天風翠袖寒  
一樣凌波映羅襪  
桂旗還作洛神看

十種新聲萬口傳  
笠翁才調最翩翩  
白門殘月青溪雨  
話到三生定惘然

定識仙緣宛轉成  
青蓮花下證前盟  
玉簫倘踐韋臯約  
不卜他生卜此生

新粧約略暈燕支  
臨水桃花見一枝  
別有人天因果在  
卷中添寫杜紅兒

清秋長嘯萬緣空  
明月青山夜正中  
同爲情緣墮塵世  
前生我是白猿公

畫舫清尊餞落花  
新詩題徧泰娘家  
年年惆悵蘇臺樹  
祇識閨門萼綠華

夢中彩筆寫相思  
花葉朝雲絕妙詞  
國色無雙仙第一  
感君傳語乞題詩

修書玉局有前緣  
夢雨疑雲二十年  
不證英雄證兒女  
他年各自作神仙

題儲紀堂畫溪圖

聞道江南畫溪好  
桃花楊柳滿春隄  
羨君家在丹青裏  
一抹煙波曉檻西

橋頌亭荒鳥語哀國山碑字沒青苔生平同有江湖感應  
畫樊川水榭來

畫闌春水狎晴鳬一角烟波接太湖離墨銅官好山水問  
君陽羨有田無

題尚僑客銘美人香草圖

向秀今才子論詩有雅音偶將芳草意寫此美人心廬嶽  
家何處瀟湘水正深靈修最哀怨流響入瑤琴

題潘閔齋伎堂說劍圖

秣陵秋雨廣陵鐘壯志消磨酒琰中間與蛾眉論劍術使  
君畢竟是英雄

娥娥仙影貌如花雌劍何須笑莫邪兒女英雄同意氣肝

腸如雪貌如花

佳俠含光越女粧金鐔瑟瑟點秋霜萬花香海春燈夜又  
作封侯夢一場

何須錦帶佩吳鉤只合金尊對莫愁閒讀唐人紅綾傳碧  
天無際小東流

秋風灑水馬蹄驕畫舫題襟燭影遙我亦年來無賴甚慣  
從禪榻聽吹簫

題翁桐隱鍾山草堂圖

謝公墩下畫屏環西子湖頭翠黛閑各爲飢驅歷江海故  
鄉無數好青山

題王九峰菰蘭圖九峰家京口善醫

林下仙人曾種杏山中處士此栽蘭春來杖履庭階畔好  
作凌雲玉樹看

吉夢分明想見之煙苗露葉一枝枝心田別有培根處芳  
潔襟期是我師

題王又樸白榆仙館圖

朱鳥窻櫺烏鵲橋五雲樓閣最岧嶢仙家別有藏書地風  
靜瑤華作雪飄

交柯玉樹影橫斜仙侶樊桐第幾家看罷彩鸞書韻後瑤  
池閒話白環花

花月襟懷江海身廿年回首碧城春白榆種作相思樹我  
亦遊仙夢裏人

題鍾映淵刀尺作尊圖

載酒江湖汗漫遊，鴛湖詞客最風流。  
碧瀾舊約人雙髻，消得樊川小杜愁。

盡削擁髻總消魂，刀尺聲停伴酒尊。  
桃葉風姿應似玉，當年曾記識桃根。

吳門畫舫舊評花，近泊秦淮問酒家。  
笑我鏡中雙髻雪，祇憑詩卷送年華。

題葛漱白太湖載書圖

嵐煙湖雨送扁舟，水上青螺幾點浮。  
知爾蓬窗吟鐵體，飛來七十二峰秋。

湖山清曠有人居，七錄藏編重石渠。  
記得小樓簾影裏，當



年曾校海東書

余曾為阮夫子校日本國書於西湖沈莊君亦有西泠校書圖故及之

高菊裳茶禪圖

月團香澹正詩成  
設設松濤靜有聲  
仿佛東坡老居士  
一龕枯坐聽瓶笙

髻絲禪榻與消磨  
竹外茶煙裊薜蘿  
知有散花人絕世  
畫中何不伴維摩

題何嗜梅

鈴

小何山書堂圖

茗水清冷地青山  
尚姓何林泉新鶴  
夢煙月舊鷗波遺  
梅尋松桂殘碑問  
薜蘿讀書滯上屋  
猶是說巖阿

王秋海垂虹歸棹圖

青山一一鏡開函  
空翠飛來碧染衫  
幾度垂虹橋下過  
羨

君好處是歸帆

黃葉疎林指舊廬  
扁舟歸去問何如  
他年來訪金風長  
閒向斜陽看曝書

貞娘墓上落花飛  
響屧廊空弔舞衣  
此地湖山洵佳麗  
勸君小住莫思歸

題屈子謙

頌滿

墨花館遺詩並題所畫菊影及寄內

家書後皆其室人湘娟女史所手輯也

佳士如君少清才  
識面難逢春風凋  
玉樹夜雪墮芳蘭  
痼疾

悲司馬遇文賦采鸞海天秋一曲淒絕不堪彈

海天秋子謙琴名

從宦逢親疾辛勤百粵歸呼天籲嚴父滅性慙慈闈哀逝

人何在愴懷淚欲揮傷心我猶子殉母泣麻衣

謂亡姪倚之

畫識分明是寒香菊影留澹痕三徑月煙夢半庭秋飲淥  
湘人遠餐英楚客愁離騷最幽怨家世有靈修

殘詠篇篇好家書語語真纒絲寄嘉耦鄭重感偏親麗句  
河東柳微吟水上蘋殷勁寶遺墨憐此未亾人

題馮柳東虞山覓句圖

劍門石上拂苔痕坐對江天詠白雲紅樹青山吾管領題  
名可惜未逢君

別懷都在暮雲間明月黃河第幾灣更憶故人移節去華

山看後看嵩山

謂笠耕  
觀察

小石梁硯山亾友李白樓物也今歸陳君梅村以圖

索題感賦二絕

回首城南舊草堂百年翰墨有滄桑  
青湖門下何人在愁絕當年小石梁

我有雙鬟玉女峰

玉女雙鬟余藏石之一

碧城墨會寫芙蓉瓊臺明

月桃花路夢入天台第幾重

題馮少舛墨禪小影

雕鐫金石注蟲魚泐水清冷伴讀書  
畱與雲間譚軼事畫禪室後墨禪居

琅嬛金薤付雲煙後喻全畱書畫船  
悟到拈花同一笑生平無墨亦無禪

題張石樵寄巢夜話圖感鐵雲也

畫裏琴樽渺陸歡江村煙景寫清寒  
兩行官燭三升酒期

與諸君詩夜聞

惆悵城南舊酒徒  
空山寂寞恰啼鳥  
有人風雪圍爐夜  
能念西華葛帳無

謂鐵雲子夢阜

楊芸士鴛湖讀書圖

鴛湖流水鶴湖花  
處處煙波有釣槎  
最憶秀州城外路  
讀書裏識君家

鴛湖南去是鴛湖  
湖上鴛鴦若可呼  
他日金風著書處  
釣師還署小長蘆

梅花萬樹小卷阿  
臨水柴門隱翠蘿  
我是西溪舊漁隱  
讀書終日對鷗波

題沈瘦生少府延清閣圖

半生羈旅幾能閒  
客思秋來欲放鵬  
卷裏分明証鴻雪  
客舟風雨畫家山

蓮花莊外白蘋洲  
如此溪山我未遊  
今日恰從圖畫見  
水鄉鷗鷺不勝秋

廿年宦海感浮家  
老屋西冷石徑斜  
一樣春光歸未得  
長亭烟樹短亭花

題王月鋤種梅圖

錢塘才子吳門客  
江左烏衣識舊家  
畫裏風姿人似玉  
配他明月與梅花

翠羽羅浮夢有無  
西冷處士話林逋  
月華滿地如冰雪  
種到梅花第幾株

前塋我亦記飛鴻夢壓寒香雪一篷回首西溪舊漁舍萬  
梅花在月明中

王月鉏醉花圖

百花門巷百花盒花氣玲瓏酒味酣微雨簾櫳明月夜教  
人那不憶江南

解向東風惜好春多情唯有杜司勛半開花與微醺酒莫  
縱襟懷到十分

漏聲如雨蠅成灰翠鞦紅香處處開身在揚州明月裏經  
年曾未看花來

湖山回首隔春雲一度花開一度春我憶百花池上卷與  
君同是武林人

頤道堂詩外集卷十

家小松茂才蕪城踏月圖

琅嬛蹤跡感生平  
曾與虹橋載酒行  
紅樹旗亭綠楊郭  
畫中重見舊蕪城

城南舊路我曾經  
門鴨池空碎綠萍  
最好二分明月地  
畫中添寫玉鉤亭

隋宮煙樹賸啼鴉  
寂寞鷄臺弔夢華  
閒爾無雙才筆好  
月中曾否賦瓊花

青衫珍重悵華年  
校到唐文第幾篇  
原衛罪言經濟在  
莫將花月誤樊川

題李和庵小影

百年喬木拂煙霞  
碧水丹崖處士家  
消受水晶宮世界



雙白鷺蓮荷花

竹徑尋詩鶴夢長  
玉琴聲隔水雲鄉  
昨從淞澤園中過  
處處煙波媚曉涼

我亦煙波有夙緣  
裏湖明月外湖煙  
萬花小隱頭銜在  
紅藕香中夜泊船

自題畫梅

疎影浮香好畫圖  
空林人去月明孤  
夢回忽憶西溪上  
漁舍西邊第幾株

題松下看書圖

衣稜松露溥溥卷  
裏松陰漠漠風來  
誰和長吟林外一  
聲孤鶴

我所思兮雲夢仙之人兮凌華讀到玉臺宮體翦燈還對  
名花

題林屋夜游圖

具區三萬六千頃極天煙水浮青蒼夜山如畫寫殘月湖  
雲浩蕩湖波涼海內洞天數林屋中有靈威儲寶錄一帆  
飛破洞庭秋七十二峰向人綠

題虹橋詞社圖

萬樹紅橋桺春痕入酒杯行魚吹雪上浴鳥趁花迴陶峴  
三舟並樊川一榭開漁洋治春地吾亦賦詩來  
微雲秦學士殘月桺耆卿翠袖低銀燭羅衣怨玉笙煙花  
銷燕夢雲水澹鷗盟公等詞壇在江湖有盛名

題沈聽簞太史香海澄秋圖

天涯何處有蓬瀛，碧海秋澄萬景清。此地最宜明月照，有人曾共百花生。波洄瓊島簪毫入，香擁瑤階緩佩行。我憶金鰲峰畔住，晚潮如雪話春城。

君曾主講瀛洲書院

題王柳村

徵君

曲江亭圖

所居翠屏洲在瓜洲雲臺師定爲曲江因建亭其地

當年侍坐琅嬛館，嘗聽觀潮話曲江。枚叔文章原第一，廣陵花月定無雙。三千鐵弩基猶在，十二銀山氣未降。卻笑金風亭上客，苦將殘碣証錢幢。

朱竹垞據廣陵侯廟以証錢塘爲曲江實則七發刻意摹寫正是廣陵所見於錢塘百不及一也浙潮自是巨觀曲江宜歸廣陵曩與雲師論及之並識於此

白將軍

雲上

畫像

昇平有儒將，遺愛滿維揚。鴈齒排薪舫，魚鱗建水倉。威名

森北府韜略美南塘記取穹碑勒濡毫共表章

輕裘羊太傅高詠謝將軍圖畫人千古祠堂月二分宮梅  
停夜雪營柳隔春雲經歲蕪城路謳歌到處聞

題楊補凡畫冊

墨妙通神定可傳舊遊蹤跡感雲煙曼雲吟館揮毫處回  
首琅嬛二十年

家在蘇隄葛嶺間分明畫本仿荆關鄉心每到秋來動乞  
寫湖南一角山

盧葵生古榆書屋圖

畫裏高榆在清陰滿夕陽餘花飄現匝密葉臥琴牀世重  
新詩卷永傳舊草堂楹書應未損珍重後人藏

題王餓餅課兒圖

白石幽泉理舊盟  
檀橋老屋好傳經  
桐陰卽是丹山路  
籬鳳聲清最可聽

擬開講塾傍明湖  
詠史談經亦足娛  
龍澗西頭好花竹  
丹青昨寫課孫圖

題河東君月隄煙柳畫卷

畫卷爲屈宛仙夫人韞玉樓中物  
趙君子梁裝池見貽葢宛仙下世已六稔矣

一卷冰綃二百秋  
柳煙花月自風流  
紅顏白髮俱銷歇  
天水滄桑我欲愁

欸識親題癸未年卷中應未識烽煙卞家小妹秋花影同

在恒河浩劫前

彭甘亭題卞敏畫蘭句云亭亭一朶秋花影同在恒河浩劫前

春泥何處葬朝雲香塚蘿蕪弔夕曛畫裏分明林壑在碧

桃花下酹孤墳

柳堤煙月爲拂水山莊八景之一本錢氏墳園柳夫人墓在其右余前此訪得修復

之並樹  
爲焉

讀到離騷易斷腸蕊宮人亦賦埋香桃花小幅蓮花扇何

處春山弔夕陽

余所得宛仙畫幅極多

粉痕香氣護芳春翰墨姻緣屬美人桐鳳館中好珍闥當

年粉本問誰真

古雲所藏一卷與此相同桐鳳館古雲姬人莊連珠所居

掌書人亦麗雙蛾新仿澄心啓皂羅閒與翦燈商位置桐

霞別館小鷗波

余姬人管湘玉所居曰小鷗波館亦日桐霞館余所藏書畫咸付收掌

昭明閣內史畫建安七子圖仲瞿病中以貽余子並

楷並以遺文相屬感題三絕

銅雀臺前樹作薪芙蓉池上水生塵  
祇今惟有西園月曾照才人與美人

翠羽明珠久作灰招魂鶴市亦堪哀  
驂鸞人寫驚鴻影一

樣焚香弔玉臺

鶴市招魂詩中  
懼悼內史作也

澹墨淋漓付託勤琅邪著述總凌雲  
昭明銅佛歸何處我

識眞州舊使君

昭明太子銅佛  
今在屠琴陽處

爲許玉玉年題其前室徐比玉女史

我

花卉畫冊

當年徐淑配秦嘉碧海青天悵斷霞  
畱得羣芳仙影在卷中幅幅是曇花

惆悵燕支染落紅憚冰文淑若爲工  
生綃鄭重畱殘墨寫

入蘭閣畫譜中

蘭閣畫譜姪人湘玉識闥秀丹青而作

鏡香西閣題畫鬱金花圖

罽賓海國鬱金香  
合種盧家少婦堂  
花似芙蓉偏帶艷  
葉如蘭蕙更含芳  
青棠調忿開閑館  
紅豆相思話曲房  
昨向莫愁湖上過  
雙頭蓮蕊學鴛鴦

再題韻香空山聽雨圖

畫裏春山一桁青  
絨花香定鐵金經  
禪心更比空山靜  
夜雨瀟瀟最耐聽

寂寞空山夜色昏  
十年前事黯如塵  
年來慣聽僧寮雨  
更

憶湘江鼓舵人

韻松壺

題習珠女史松月橫琴小影



蒼蒼松樹林涼月夜橫琴流水幽人意空山靜女心微黃  
江葉脫澹碧海雲淡我欲乘槎去無人知此音

余將有渡海之行

青琴館月明花靜小影

玉雪凝香翠掩琴中心事畫中身樓臺掩靄花千樹雲  
水清華月一輪鏡檻露寒光獨照簾波風定影橫陳記同  
滄海浮槎去曾與桐霞共結鄰



新詞霏玉筆生花珍重才鋒斂莫邪夢蝶知魚都有味期  
君聽雨讀南華

吞花臥酒寫無聊英氣年來我盡銷祇有閒情銷不得又  
從禪榻聽吹簫

邗江湯氏二節婦一孝子詩爲節婦曹湯氏及姒朱  
氏猶子泰作曹氏旌於乾隆初年朱氏世泰余爲  
請旌

歷盡冰霜轉太和邗江當日有曹娥更看奕世芳徽在母  
是松筠子蓼莪

廿年宦轍歷三吳到處輜軒總式問記取蕪城雙綽楔幾  
番翦燭手親書

陽花影小紅樓

余方乞君畫夕陽花影樓

吾與庵鐘樓圖

放鶴亭閒馬磴空道林詩派亦禪宗  
吳城萬戶酣春夢破曉新添一杵鐘

寺門終日白雲封四壁藤蘿幾樹松  
名士談禪僧入定三生同聽一樓鐘

天平萬笏立芙蓉路人雲巖翠幾重疑  
易庵名作梧雨碧陰深處聽秋鐘

蒼茫雲海盪心胸歸夢西泠第幾峯  
我是南屏山下客廿年不聽故園鐘

程蘅香畫山樓圖

羨君心跡白雲閒  
松影茆堂畫掩關  
認取小樓秋一角  
得閒來看畫中山

我憶西泠舊釣灘  
披圖便欲理漁竿  
何年翠綠園中住  
收取青山作畫看

謙谷相馬圖

畫馬如畫龍  
相馬如相士  
不遇九方甄  
誰呼黑龍子  
金釵屏後豔  
蘭玉膝前嬌  
飽吃江南飯  
雄心也合消  
僧寮聽秋雨  
兩鬢蕭蕭也  
吹蓬過湖陰  
我是騎牛者

石琢堂太史焚香思過圖

維摩金粟影  
卽佛卽神仙  
桃葉空江雨  
梅花丈室烟  
前生韋刺史  
餘事柳屯田  
思過原無過  
秋宵皓月圓

題紅葉山人楓林圖

山人久已杖頭歸一嶺疏林寫落暉萬樹暝烟鴉共宿一  
江秋色鴈初飛雲低灞岸淒鄉夢霜冷河橋感客衣我亦  
吳江催返棹秦亭丙舍掩荆扉

題余秋浦柳陰垂釣圖

新柳鵝黃蘸碧波桃花江雨點輕羅明湖十里春陰路細  
雨斜風理釣蓑

我亦西溪有釣磯春山影裏白鷗飛何年得踐歸田約日  
日持竿對翠微

題師禹門春雨渡江圖

滄海橫流要此才魚龍欲起浪花開澄清亦是尋常事莫

向中流擊楫來

五雲天際是京華  
破浪誰乘萬里槎  
便擬從君籌海去  
一江烟雨正桃花

又題蘆溝折柳圖

三疊陽關曉月涼  
雁聲寒壓馬啼霜  
一從折贈蘆溝柳  
種徧江城萬綠楊

瓊島春陰話雨天  
雲圍殘夢酒樽前  
披圖我憶圖中別  
回首春明二十年

題潘功甫竹所清吟畫卷

竹所惟栽竹  
清吟與竹宜  
蕭湘楚騷怨  
淇澳衛風詩  
細雨飄青粉  
微波動翠漪  
鳳池圖畔屋  
高詠幾人知

最憶湖西路停雲澹不消鳳皇歌短笠月篠弄寒瓢峯影  
巢构鳴泉聲合澗橋陰陰秋柳外更爲一停橈

題同年張麗坡將軍花朝家讌圖

鈴韜玩罷誦清芬綠樹階前總拂雲笑對一家仙眷屬南  
朝誰是謝將軍

左家嬌女正垂髻三絕才名豔六朝新署碧城詩弟子自

誇門下有班昭

君女雲裳  
從余受業

題顧子雨夢游舊館圖

夢中彷彿見鴉黃曲折迴闌石路長花影滿庭苔滿地勝  
呼妙子到稠桑

驂鸞人去賦游仙香散輕塵玉化烟懽盡情禪銷盡劫一



圖留取證人天

屠伯脩觚庵讀書圖伯脩琴陽子也

觚哉觚哉觚不觚舉世瓦合無真儒屠生文采鳳之雛瘦  
削亦似鶴骨臞乃翁畫筆今倪迂讀書觚庵庵有圖安仁  
記觚文筆殊高者觚稜埤觚盧我展讀之心嗟吁壯游燕  
代南楚吳人皆集苑已集枯名場嶮巇無坦途宦海傾仄  
無亨衢君獨何爲觚其廬永清無魚人清無徒大信不約  
大方無隅與爲嚴霜烈日世所憚何如光風霽月心所愉  
黃老之學殊有味夷惠之問亦可居我洪世久言非誣廣  
此意者所不孤持此試問蓮翁蓮

謂頻迦

題屠琴陽潛園詩社圖

軍令分明數舉杯  
騷壇旗鼓自君開  
可無風雅追前輩  
儘有湖山待逸才  
烟寺雨聲新笠屐  
屏樹色舊樓臺  
故鄉好與諸同志  
著意重興八社來

題問香館繡像散花圖

蔣君淇園繼室鮑秀芬爲前室俞作未竟而鮑又沒姬人華芸卿成之

放下文殊兩手花  
有人親繡婉凌華  
百緣經裏叅空相  
一抹青天散彩霞

本來天女是鍼神  
證取前身與後身  
一樣采鸞仙弟子  
買絲還繡繡絲人

金粟山人大辨才  
鬢絲蕭瑟夢初回  
三生我亦耽禪悅  
新

頤道堂詩外集卷十

闢梅花丈室來

余製梅花禪榻叢睦山人爲題梅花丈室

又題憶芝圖圖寫俞鮑兩士女小影

靈簫墨會證蘭因弔罷湘娥弔洛神同作優曇花一現前  
生原是采芝人

天風吹袂采芝還雙髻簪花總玉顏翠壁幾重山一抹仙  
山應復憶人間

珊珊環珮忽來遲翠冷香寒酹玉卮萬樹梅花明月裏西  
溪原有水仙祠